

Cynllun Corfforaethol 2018 -2022 – Crynodeb

Ein Gweledigaeth: Un Cyngor yn Gweithio Gyda'n Gilydd i Wella Bywydau

Ein Blaenoriaethau

Blaenoriaeth 1: Cefnogi economi lwyddiannus

Mae hyn yn golygu y byddwn yn cymryd camau i wneud y sir yn lle da i gynnal busnes, i bobl fyw, gweithio, astudio a dod ar ymweliad, ac i sicrhau bod ein hysgolion yn canolbwyntio ar wella sgiliau, cymwysterau ac uchelgeisiau pawb yn y sir.

Ein Rhaglenni Allweddol i gefnogi'r flaenoriaeth hon

Y Fargen Ddinesig - rhaglen gyfalaf yw hon y mae Cyngorau Deddwyrain Cymru wedi ei sicrhau gan Lywodraeth y DU a Llywodraeth Cymru. Bwriedir i'r Fargen ddarparu 25,000 o swyddi ychwanegol ar draws y rhanbarth.

Adolygiad Strategol o Addysg a Hyfforddiant Ôl-16 - mae'r rhaglen yn gwerthuso'r ddarpariaeth addysg a'r cwricwlwm sydd ar gael ym mwrdeistref sirol Mhen-y-bont ar Ogwr i sicrhau bod opsiynau eglur ar gael i ddarparu'r cyfleoedd gorau posibl i ddysgwyr yn y fwrdeistref sirol.

Rhaglen Economi Lwyddiannus - mae'r rhaglen hon yn cynnwys cynlluniau adfywio a datblygu lleol allweddol yn ein prif ganol trefi. Byddwn hefyd yn manteisio i'r eithaf ar gyfleoedd a gynigir gan strategaethau a rhaglenni ariannu adfywio, fel Tasglu'r Cymoedd, menter Llywodraeth Cymru sy'n ceisio cyflawni newid economaidd drwy greu swyddi o safon a helpu pobl i wella'u sgiliau.

Alinio Grantiau Llywodraeth Cymru ar gyfer Trechu Tlodi - byddwn yn symleiddio'r grantiau hynny gan ganolbwyntio ar wella tlodi plant drwy ymyraethau cynnar drwy raglenni Dechrau'n Deg, Teuluoedd yn Gyntaf, a'r Gronfa Waddol ar gyfer Cefnogi Pobl a Cymunedau yn Gyntaf.

Blaenoriaeth 2: Helpu pobl i fod yn fwy hunandibynnol

Mae hyn yn golygu y byddwn yn gweithio gyda'n partneriaid, gan gynnwys y bobl sy'n defnyddio ein gwasanaethau a'n gofaluwr i gymryd camau cynnar i ostwng nifer y bobl sy'n dod, neu i atal pobl rhag dod, yn agored i niwed neu'n ddibynnol ar y Cyngor a'i wasanaethau, i gefnogi unigolion a chymunedau i fod yn gydnerth a'u galluogi i ddatblygu datrysiadau i ddiwallu anghenion a mwynhau bywyd annibynnol cymaint ag y bo modd.

Ein Rhaglenni Allweddol i gefnogi'r flaenoriaeth hon Ailfodelu Gofal Cymdeithasol

- Byddwn yn parhau â'r rhaglen sylweddol hon o ailgomisiynu gofal cartref i oedolion, datblygu gofal ychwanegol a gwasanaethau gwybodaeth a chynghori i bobl a'u gofaluwr.
- Rydym yn gweithio gyda phartneriaid i greu Canolfan Diogelu Amlasiantaeth yn un pwynt cyswllt ar gyfer yr holl bryderon ynghylch diogelu.
- Rydym yn adolygu ein modelau presennol o ofal preswyl ar gyfer plant a phobl ifanc a gofal seibiant ar gyfer plant ag anableddau er mwyn eu targedu yn fwy a'u gwneud yn fwy effeithiol.

Trosglwyddo Asedau Cymunedol - Byddwn yn trosglwyddo asedau i gymunedau er mwyn iddynt eu rheoli'n gynaliadwy gan wneud y defnydd gorau o'r asedau yr ydym yn eu cadw.

Blaenoriaeth 3: Defnyddio adnoddau'n ddoethach

Mae hyn yn golygu y byddwn yn sicrhau bod ein holl adnoddau (yn rhai ariannol, ffisegol, ecolegol, dynol a thechnolegol) yn cael eu defnyddio mor effeithiol ac effeithlon â phosibl ac yn rhoi cymorth i ddatblygu adnoddau ledled y gymuned a all helpu i wireddu blaenoriaethau'r Cyngor.

Ein Rhaglenni Allweddol i gefnogi'r flaenoriaeth hon

Y Rhaglen Trawsnewid Digidol - mae'r rhaglen hon yn ceisio newid y ffordd yr ydym yn gweithredu i alluogi cwsmeriaid i gael mynediad at wybodaeth, cyngor a gwasanaethau ar-lein.

Rhesymoli ystad y Cyngor - mae'r rhaglen hon yn ymwneud â gwaredu asedau, trosglwyddo asedau i gymunedau eu rheoli a gwneud y defnydd gorau o'r asedau y byddwn yn eu cadw.

Y Rhaglen Moderneiddio Ysgolion - mae'r rhaglen hon yn buddsoddi mewn cyfundrefn addysg gynaliadwy mewn adeiladau ysgolion sy'n lleihau costau a'u hól-troed carbon.

Yn 2018-19 bydd rhai o'n camau yn cynnwys:

- Parhau i weithio gyda Bwrdd Sgiliau a Chyflogaeth Prifddinas Caerdydd a phrosiectau lleol a arweinir gan CBS Pen-y-bont ar Ogwr i helpu i lunio cyfleoedd cyflogaeth a datblygu gweithlu medrus i ddiwallu anghenion yn y dyfodol. Mae hyn yn cynnwys cynnig prentisiaethau o ansawdd uchel ar gyfer pob oedran.
- Buddsoddi yn ein canol trefi i wella cyfleusterau presennol a darparu cyfleusterau newydd.
- Parhau i wella sut y mae'r Cyngor yn darparu gwybodaeth, cyngor a chymorth da i'r cyhoedd, gan gynnwys cynyddu'r cymorth sydd ar gael drwy gydgyfylltwyr cymuned lleol.
- Sicrhau bod yr holl wasanaethau sydd ar gael yn gweithio gyda'i gilydd yn well i roi cymorth di-dor i blant sy'n agored i niwed pan fydd ei angen a'u hatal rhag dod yn blant sy'n derbyn gofal.
- Darparu digon o loedd mewn ysgolion yn yr ardaloedd iawn ac mewn ysgolion newydd a'r rhai sydd wedi eu gwella.
- Newid y ffordd yr ydym yn gweithredu i alluogi cwsmeriaid i gael mynediad at wybodaeth, cyngor a gwasanaethau ar-lein.

Gallwch ddarllen mwy am y camau y byddwn yn eu cymryd yn 2018-19 a sut y byddwn yn mesur llwyddiant yn y Cynllun Corfforaethol llawn, ac mae rhagor o wybodaeth ariannol ar dudalennau **blaenoriaethau a pherfformiad y Cyngor** yn www.bridgend.gov.uk.

Ysgrifennwch at:

Tîm Perfformiad Corfforaethol,
Cyngor Bwrdeistref Sirol Pen-y-bont ar Ogwr,
y Swyddfeydd Dinesig,
Stryd yr Angel,
Pen-y-bont ar Ogwr, CF31 4WB